



Inatsisartuni ilaasortaq Pele Broberg, Partii Naleraq
/maani

**Immap naqqatigut kabelip sillimmaserneqarnera pillugu § 37 naapertorlugu
apeqquteqaammut 2019-170-imut akissut**

25-04-2019
Suliaq nr.: 2019 - 9803
Id nr. 40704509

Asasara Pele Broberg

Inatsisartut suleriaasianni § 37 naapertorlugu immap naqqatigut kabelip
sillimmaserneqarnera pillugu Naalakkersuisunut apeqquteqaateqarputit. Apeqqutitit
uannit akineqartussanngorlugit innersuunneqarput. Apeqqutitit matuma kinguliani
ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1:

**Qanga suullu toqqammavigalugit, kiallu inaarutaasumik aalajangigaanik Kalaallit
Nunaanni immap naqqatigut kabel-ip sillimmaserneqarnerigalua
atorunnaarsinneqarpa?**

Akissut:

Immap naqqatigut kabelimut tunngatillugu Tele Greenland-ip sillimaserneqarnissaa
pillugu, niuernermik ingerlatsinermik tunngaveqartumik Tele Greenlandip aqutsisuinit
aaliangiiffigineqarnikuvoq.

Apeqqut 2:

**Kalaallit Nunaanni immap naqqatigut kabel-ip sillimaseqarnerata
atorunnaarsinneqarnerata patsisigalugu aqqissorniarnera kinguarsarnikuua,
soorlu aningaasat ikinnerusut atorneqarsinnaaneri il. il. patsisigalugit?**

Akissut:

Tele Greenland-ip immap naqqatigut kabeleqarnermut tunngatillugu
sillimmateqarsimanerup atorunnaarsinneqarnera, iluarsartuussinermut tamanna qanoq
sunniuteqarsimanersoq Naalakkersuisunit ilisimaneqanngillat. Tamanna Tele
Greenland-ip aqutsisuisa akisussaaffigivaat ingerlatsinermullu tunngassuteqarluni.

Apeqqut 3:

**Kalaallit Nunaanni immap naqqatigut kabel-ip aqqissorneqarnissaanut
aningaasartuutissat tamakkiisut qanoq annertutigisut naatsorsuutigineqarpat?
Aningaasartuutissat tamakkiisuni soorlu atuisunut taarsiiffigitinnerit il. il. ilaapput.**

Akissut:

Immap naqqatigut kabelimik iluarsartuussinermut aningaasartuutigineqarsimasut
katillugu annertussusaat Naalakkersuisunit ilisimaneqanngillat. Tamanna Tele

Greenland-ip aqutsisuisa akisussaaffigivaat ingerlatsinermullu tungassuteqarluni.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Karl Frederik Danielsen